

全漢三國晉南北朝詩

張祖翼署

全齊詩卷一

無錫丁福保仲祐編纂

貞靜園書

高帝

姓蕭氏諱道成字紹伯仕宋累封齊王廢宋自立

塞客吟

此詩見蘇侃傳外編逸軌皆作侃詩非也齊書曰高帝在淮上取蘇侃爲冠軍錄事參軍是時新失淮北遣帝北戍每歲秋冬間邊淮騷動帝廣遣偵候安集荒餘又營繕城府帝在兵中久見疑於時乃作塞客吟以喻志侃達此旨更自勸勵委以府事深見知待

寶緯素宗神經越序德晦河晉力宣江楚雲雷兆壯天山繇武直髮指

河

一作秦

關凝精越漢渚秋風起塞草衰鷗鴻思邊馬悲平原千里顧但

見轉蓬飛星嚴海淨月徹河明清輝映幕素液凝庭金笳夜厲羽轉晨
征幹晴潭而悵泗漉松洲而悼情蘭涵風而瀉豔菊籠泉而散英曲繞
首燕之歎吹軫絕越之聲歛園琴之孤弄想庭藿之餘馨青關望斷白
日西斜恬源靚霧壘首暉霞戒旋鷁躍還波情綿綿而方遠思裊裊而
遂多粵擊秦中之筑因爲塞上之歌歌曰朝發兮江泉日夕兮陵山驚
飆兮滌汨淮流兮潺湲胡埃兮雲聚楚旆兮星懸愁壙兮思宇惻愴兮
何言定寰中之逸鑒審雕陵之迷泉悟樊籠之或累悵遐心以棲立

羣鶴詠

南史曰齊高帝鎮淮陰爲宋明帝所疑被徵爲黃門郎深懷憂慮見平澤有羣鶴命筆詠之

八風儻遙翮九野弄清音一擢雲間志爲君苑中禽

武帝

諱蹟字宣遠高帝長子也初仕宋爲江州刺史輔高帝受禪功參佐命後嗣位

估客樂

古今樂錄曰估客樂者齊武帝之所製也帝布衣時嘗遊樊鄧登昨以後追憶往事而作歌使樂府令劉瑤管弦被之教習卒遂無成人啓釋實月善解音律帝使奏

之旬日之中便就諧合敕歌者常重爲感憶之聲猶行於世寶月又上兩曲帝數乘龍舟遊五城江中放觀以紅越布爲帆綠絲爲帆繹鉤石爲篙足篙榜者悉著鬱林布作淡黃袴列開使江中衣出五城殿猶在齊舞十六人梁八人唐書樂志曰梁改其名爲商旅行

昔經樊鄧役阻潮

或作假機

梅根渚感憶追往事意滿辭不敘

竟陵王子良

字雲英武帝第二子也幼聰敏宋末爲邵陵王友武帝卽位封竟陵王南徐州刺史又兼司徒進號車騎將軍禮才好士傾意賓客天下才學皆遊集焉隆昌元年薨有

集四
十卷

九月侍宴

月殿風轉層臺氣寒高雲歛色遙露已團式詔司警言戾秋巒輕觴時薦落英可冷

侍皇太子釋奠宴

霜輕流日風送夕雲雕檐結綵綺井生文四璉合旨八簋舒芬

闕

遊後園

託性本禽魚棲情閑物外蘿徑轉連綿松軒方杳藹丘壑每淹留風雲

多賞會

闕

行宅

并序

余稟性端疎屬愛閑外往歲羈役浙東備歷江山之美名都勝境極
盡登臨山原石道步步新情廻池絕澗往往舊識以吟以詠聊用述
心

訪宇北山阿卜居西野外幼賞悅禽魚早性羨蓬艾

闕

登山望雷居士精舍同沈右衛過劉先生墓下作

并序○一作同隨
王經劉先生墓下

作

沛國劉子珪學優未仕跡邇心遐履信體仁古之遺德潛舟迅景滅
賞淪輝言念芳猷式懷嗟述屬舍弟隨郡有示來篇彌緝久要之情
益深宿草之歎升望西山率爾爲答雖因事雷生實申悲劉子云爾

劉瓛字子珪沛郡
相人南史有傳

漢陵淹館蕪晉殄

一作彌

洙風缺五都聲論空三河文義絕興禮邁前英

談玄踰往哲明情日夜深徽音歲時滅垣井總已平煙雲從容裔爾歎

牛山悲我悼驚川逝

隨郡王蕭子隆

字雲興武帝第八子性和美有文才爲都督荊州刺史歷侍中中軍大將軍明帝輔政謀害諸王子隆被害有集七卷

經劉瓛墓下

升堂子不謬問道余未窮如何辭白日千載隔音通山門一已絕長夜
緬難終初松切暮鳥新楊催曉風榛關向蕪密泉途轉銷空

郊廟歌辭

齊南郊樂章十三首

南齊書樂志曰武帝建元二年有司奏郊廟雅樂歌辭太廟登歌用褚淵餘悉用謝超宗所撰多刪顏延之謝莊辭以爲新曲備改樂名

永明二年又詔王儉造太廟二室及郊配辭

肅咸樂

羣臣出入

謝超宗

謝超宗陳郡人靈運之孫歷齊高帝武帝累遷黃門郎掌國史除竟陵王征北諮議記室

質承寶命嚴恭帝緒奄受敷錫升中拓宇亘地稱皇罄天作主月域來
賓日際奉土開元首正禮交樂舉六典聯事九官列序

宋郊祀顏延之辭刪定

引牲樂

牲出入夕牲歌並重奏

皇乎敬矣恭事上靈昭教國祀肅肅明明有牲在滌有潔在俎以薦王衷以答神祐陟配在京降德在民奔精望夜高燎佇晨有牲以下八句並顏辭

嘉薦樂

薦豆呈毛血

我恭我享惟孟之春以孝以敬立我烝民青壇奄靄翠幕端凝嘉俎重薦兼籍樂府作藉再升設業設簋展容玉庭肇禋配祀克對上靈增損謝莊辭

昭夏樂

迎神

惟聖饗帝惟孝饗親禮行宗祀敬達郊禋金枝中樹廣樂四陳月御案節星驅扶輪遙興遠駕曜曜振振告成大報受釐元神增損顏辭

永至樂

皇帝入壇東門

紫壇望靈翠幕佇神率天奉

樂府作奏誤

贊罄地來賓神貺並介泯祗合祉恭

昭鑒享肅光孝祀威藹四靈洞曜三光皇德全被大禮流昌

登歌

帝升壇

報惟事天祭實尊靈史正嘉兆神宅崇禎五時昭鬯六宗彝序介丘望

塵皇軒肅舉

文德宣烈樂

帝初獻

營泰峙定天衷思心緒謀筮從田燭置燿

一作權

火通大孝昭國禮融

定刪

顏辭

武德宣烈樂

次奏

功燭上宙德耀中天風移九域禮飾八埏四靈晨炳五緯宵明膺曆締
運道茂前聲

高德宣烈樂

高帝配饗

王儉

饗帝嚴親則天光大烏奕前古榮鏡無外日月宣華卿雲流靄五漢同
休六幽咸泰

嘉胙樂

飲福酒

謝超宗

鬯嘉禮承休錫盛德符景緯昌華應帝策聖藹耀昌基融祉暉世曆聲
正涵月軌書文同

樂府作騰

日迹寶瑞昭神圖靈貺流瑞液我皇崇暉祚重

芬冠往籍

昭夏樂 送神

薦饗洽禮樂該神娛展辰旒回洞雲路拂璇階紫霧藹青霄開睠皇都
顧玉臺留昌德結聖懷

昭遠樂 帝就燎位

天以德降地 樂府作帝 以禮報牲尊俯陳柴幣仰燎事展司采敬達瑄薌煙
贄青昊震颺紫場陳馨示策肅志宗禋禮非物備福唯誠陳

休成樂 帝還便殿

昭事上祀饗薦具陳廻鑾轉翠拂景翔宸綴縣敷暢 一作錫 鍾石昭融羽

炫深晷籥暄行風肆序輟度肅禮停文四金聳衛六馭齊輪

齊北郊樂歌六首

南齊書樂志曰北郊樂迎地神奏昭夏之樂升壇奏登歌初獻奏地德
凱容之樂次奏昭德凱容之樂送神奏昭夏之樂瘞埋奏隸幽之樂餘
辭同南郊隋書樂志曰齊氏承宋咸用元徽舊式宗祀朝饗
奏樂俱同惟增北郊之禮乃元徽所闕永明六年之所加也

昭夏樂 迎神奏

謝超宗

詔禮崇營敬饗立時靈正丹帷月肅紫墀展薦登華風縣凝鏘神惟戾
止鬱葆遙莊昭望歲芬環游辰太穆哉尙禮橫光秉藹

登歌

帝升壇奏

佇靈敬享禋肅彝文縣動聲儀薦絜牲芬陰祇以貺昭祀式慶九服熙
度六農祥正

地德凱容樂

帝初獻奏

繕方丘端國陰掩珪鬯仰靈心詔源委遍丘林禮獻物樂薦音

亦刪顏辭

昭德凱容樂

次奏

慶圖濬邈蘊祥祕瑤倪天炳月嬪光紫霄邦化靈懋闡則風調儷德方
儀徽載以昭

昭夏樂

送神奏

薦神升享序楸淹玉俎停金奏寶旆轉旒駕旋溢素景鬱紫躔靈心顧
留宸睠洽外瀛瑞中縣

隸幽樂

瘞埋奏

后皇嘉慶定祇立時承帝休圖祇敷靈祉篚纂周序軒朱凝會牲幣芬
壇精明佇蓋調川瑞昌警嶽祥泰

齊明堂樂歌十五首

南齊書樂志曰武帝建元初詔謝超宗造明堂夕牲等歌并採用謝莊辭賓出入奏肅咸樂牲出入奏引牲樂薦豆呈毛血奏嘉薦樂迎

神奏昭夏樂皇帝升明堂奏登歌初獻奏凱容宣烈之樂還東壁受福酒奏嘉

昨樂送神奏昭夏樂並建元永明中作也其凱容宣烈樂嘉昨樂太廟同用

肅咸樂

賓出入

謝超宗

彝承孝典恭事嚴聖浹天奉賁罄壤齊慶司儀具序羽容夙章芬枝揚
烈黼構周張助寶奠軒酌珍充庭璆縣凝會琚朱竚聲先期選禮肅若
有承祇對靈祉皇慶昭膺

尊事威儀輝容昭序迅恭明神絜盛牲俎肅肅嚴宮藹藹崇基皇靈降
止百祇具司戒誠樂苑作成望夜端烈承朝依微昭旦物色輕宵

引牲樂

惟誠絜饗惟孝尊靈敬芳黍稷敬滌犧牲駢繭在參載溢載豐以承宗
祀以肅皇衷蕭芳四舉華火周傳神鑒孔昭嘉足三樂府作牲參古通

嘉薦樂二首

肇禋戒祀禮容咸舉六典飾文九司炤序牲柔既昭犧剛既陳恭滌惟
清敬事惟神加籩再御兼俎重樂府作兼薦節動軒越聲流金縣

弈弈闕幄亹亹嚴闈絜誠夕鑒端服晨暉聖靈戾止翊我皇則上綏四
寓下洋萬國永言孝饗有容儋僚贊列肅肅雍雍

以上皆宋
殷淡辭

昭夏樂

地紐謐乾樞回華蓋動紫微開旌蔽日車若雲駕六龍乘烟煴燁帝景
耀天邑聖祖降五雲集懋粢盛絜牲牷百禮肅羣司虔皇德遠大孝昌
貫九幽洞三光神之安解玉鑾景福至萬寓歡

謝莊辭
下同

登歌

雍臺辨朔澤宮選辰絜

樂府
作素

火夕炤明水朝陳六瑚賁室八羽華庭昭

事先聖懷濡上靈肆夏式敬升歌發德永固洪基以綏萬國

凱容宣烈樂

醴醴具登嘉俎咸薦饗洽誠陳禮周樂徧祝辭罷裸序容輟縣蹕動端
庭鑾回嚴殿神儀駐景華漢亭虛八靈案衛三祗解途翠蓋耀澄畢翳

樂府
作帑

凝宸

樂府
作晨

玉鑣

樂府
作鑣

息節金輅懷音式誠達孝底心肅感追憑皇鑒思

承淵範神錫懋社四緯昭明仰福帝徽俯齊庶生

殷淡
辭

青帝歌

參映夕駟昭晨靈乘震司青春鴈將向桐始蕤和風舞暄光遲萌動達

萬品親潤無際澤無垠

以下五首
皆謝莊辭

赤帝歌

龍精初見大火中朱光北至圭景同帝在在離寔司衡雨水方降木槿
榮庶物盛長咸殷阜恩澤四溟被九有

下
逸

黃帝歌

履艮宅中宇司繩總四方裁化徧寒燠布政司炎涼至分乘經晷閉啓
集恆度帝暉緝萬有皇靈澄國步

白帝歌

百川若鏡天地爽且明雲冲氣舉盛德在素精庶類收成歲功行欲寧
浹地奉渥罄宇承帝靈

黑帝歌

歲既暮日方馳靈乘坎德司規立雲合晦鳥蹊飛雪

樂府作
白雲

繁亘天涯晨

晷促夕漏延太陰極微陽宣

嘉胙樂

禮薦洽福胙昌聖皇膺嘉祐帝業凝休祥居極乘景運宅德瑞中王澄
明臨四奧精華延八鄉洞海同聲懋澈宇麗乾光靈慶纏世祉鴻烈永
無疆

殷淡辭

昭夏樂

蘊禮容餘樂度靈方留景欲暮開九重肅五達鳳參差龍已沫雲既動
河既梁萬里照四空香神之車歸青

樂府作清

都璇庭寂玉殿虛鴻化凝孝

風熾顧靈心結皇思鴻慶遐邇嘉薦令芳翊帝明德永祚深光

謝莊辭

齊雩祭歌八首

南齊書樂志曰建武二年雩祭明堂謝朓造辭一依謝莊唯世祖四言也

迎神

八章齊樂志曰依漢來郊祀三言宋明堂迎神八解每四句一解

謝朓

清明暢禮樂新候龍景練貞辰

陽律亢陰晷伏耗下土荐穰稔

宸

樂府作震

儀警王度乾嗟雲漢望昊天

張盛樂奏雲儼集五精延帝祖

雩有諷樂有秩管鬯芬圭瓚瑟樂苑作瑟

靈之來帝闈開車煜燿吹徘徊

停龍轅樂府作轅徧觀此凍雨飛祥雲靡

壇可臨奠可歆對眈社鑒皇心

世祖武皇帝三章

濬哲維祖長發其武帝出自震重光御寓七德攸宣九疇咸敘靜難荆

衡樂府作舒凝威蠡浦

昧旦不承夕惕刑政化一樂府樂苑並作壹車書德馨粢盛昭星夜景非雲曉慶

衢室成陰璧水如鏡

禮充玉帛樂被匏樂府作管絃於鑠在詠陟配於天自宮徂兆靡愛性性我

將我享永祚豐年

青帝三章

營翼日鳥殷宵凝冰泮立蟄昭

景陽陽風習習女夷歌東皇集
奠春酒秉青珪命田祖渥羣黎

赤帝 三章

惟此夏德德恢台兩龍在御炎精來

火景方中南譌秩靡草云黃含桃實

族雲蓊鬱溫風扇 樂府作煽 興雨祁祁黍苗徧

黃帝 三章

稟火自高明毓金挺剛克涼燠資成化羣芳 樂府作方 載厚德

陽季勾萌達炎徂溽暑融商暮百工止歲極凌陰冲

泉 樂府作皇 流疏已清原隰甸已平咸言祚惟億敦民保齊 樂苑作高 京

白帝 三章

帝說于兌執矩固司藏百川收潦精景應金方 樂府作徂商

嘉樹離披榆關命賓鳥夜月如霜金 樂府作秋 風方嫋嫋

商陰肅殺萬寶咸已 樂府作亦 迺勞哉望歲塲功冀可收

黑帝 三章

白日短玄夜深招搖轉移太陰霜鍾鳴冥陵起星迴天月窮紀

聽嚴風來不息望玄雲黝無色曾冰烈 樂府作列 積羽幽飛雪 樂府作白雲 至天山

側

關梁閉方不巡合國吹饗蜡賓統 樂府作充 微陽究終始百禮洽萬祚 樂府作萬觀

臻

送神 五章

敬如在禮將周神之駕不少留

躍龍鑣 樂府作鑣龍鑣 轉金蓋紛上馳雲之外

警七曜詔八神排闥闔渡天津

有滄興膚寸積雨冥冥又終夕

俾棲糧維萬箱皇情暢景命昌

齊籍田樂歌二首 南齊書樂志曰籍田歌漢章帝元和元年班固奏周商頌載爰祠先農晉傳立作祀先蠶夕牲歌詩一篇迎送神一篇饗社稷先農先聖先蠶

歌詩三篇辭皆叙田農事胡道安作先農饗神詩一篇樂府相傳舊歌三章永明四年籍田詔江淹造歌淹不依古傳製祀先農迎送神升歌及饗神歌二章

迎送神升歌

江淹下同

羽鑾從動金駕時遊教騰義鏡樂綴前

樂府作禮

修率先丹耦躬遵綠疇靈

之聖之歲殷澤柔

饗神歌

瓊罍既飾繡簋以陳方燮嘉種永毓宵民

牲出入歌

以下三首見初學記未詳所用

江淹

下同從樂苑

祝詳史具禮備樂薦有牲在陳有鼓在縣騰燭象星奔水類電郊燎夙
戒駟彼乘駟以伺質明以佇神晏

樂苑作宴

薦豆呈毛血歌辭

時恭時祀有物有則伊我上聖實抱明德犧象交陳鬱尊四塞黍惟嘉
穀酒惟立默薦通蒼祗慶覃黎黑願靈之降祚家祐國

奏宣列之樂歌舞

殷崇配天周尊明祀瑞合汾陰慶同泰時青幕雲舒丹殿霞起二曜惟
新五精告始于以享之景福是履